

序文

蔡德仁

德教肇始華夏，歷數千年，真理垂傳南洋，屆十餘載，主旨嚴謹，孝悌忠信，禮義廉耻，宗古八德，再加仁智，十全臻成。

人生衣食住行，形態錯雜，稍越繩矩，社會環境堪虞，況當太空演進，衛星趨時，若非古道重興，大德丕振，人類侵犯毀滅，頓成灰塵，風尚鄙劣頹頹，可比草芥，心切革除惡習，紀律弘揚，意存警惕頑迷，綱常啟迪，闡中庸之不倚，釋大義之申張，是有德總組紉，遍及星馬砂邦，心典規章，彼此一統，內則躬修律己，外而勸善化人，履守堅貞，會竅明性，語云「義之趨，信之踐，毋踏非，毋臨險」。達致「以仁安人，以義正己」。

獅城德教萌芽，壬辰以至癸卯，開展之能迅捷，事理必有可徵，首賴神功，次仗人力，聖賢降諭，沙柳成文，同德應緣，梨棗劇贈，先後分十四部，大小計八萬書，純以正理規誡，絕無偏差惑迷，裨益人心，維護世道，補法網之遺漏，復天良之清明。

光陰荏苒，六屆迄今，善舉貢獻雖菲，德業操持毋懈，竭誠群策，史實足稽，溯張蔡鄭三君，膺掌會務，德仁服膺不敏，四屆濫充，斯後揚黃二君，五六長會，者番德刊彙輯，陳鄧主編，各閣宣教協成，冀求普化，注重聖訓宏釋，萬卷風行，庶幾寰宇昇平，一德共守，援弁翦莠，表達心聲，廣大同仁，敬祈砥礪。

b 2142266
090440369

序 文

楊金殿

南洋德教總會，乃星馬婆各閣組合而成，每屆會長，由輪值閣普選擔任，一九六二年度，金殿接長會務，緬懷既往，業功堪誌，顧念當時，職責繁劇，憧憬將來，展望靡躬，自愧德薄能謏，尤感商業紛紜，誠恐有虞隕越，所幸同僚英俊有為，多屬蟬聯，老馬識途，於是聲應氣求，遵照綱領頒施，一面弘揚聖德，普遍傳播教義，一面擊負保健，增辦贈醫施藥，一面推行福利，分頭卹苦拯災，一面聯絡德誼，專誠訪問各閣，效果低微，私衷耿耿，立意嚴謹，寄望殷殷，歲月不再，來日方長，企盼後屆賢達，善策丕振勳猷。

際茲世風飄蕩，人慾橫流之秋，道德廢墮，禮教靡存，長此以往，寰球堪虞，聖賢感然心傷，隨處飛鸞教化，乩書精警剴切，勝似暮鼓晨鐘，德教同仁，目睹時艱，秉承聖訓，並依「孝悌忠信禮義廉耻仁智」十大綱領，竭力弘揚，切實履守，社會好德君子，知所洞鑒，肯為同聲疾呼，德音响徹，無遠弗届，人人棄惡從善，祇遵法紀，蹈矩循規，回復天良，行見堯風舜日，昇平盛世，維持永恒，何樂如之，斯刊付梓，編者徵稿，匆匆握管，聊副雅愛，工拙非計，願同勉旃。